

www.BibleForChildren.org

Matiyu 8



Lole afina'mo utegeno mago vekamo'mo a'mo
ali'nige'apae'mo Kena taonimo Galeliya kotegamo
ne'ya'mo ne'nae. Yesu ita'amo'mo ani nopi'mo uno
haino mai'niye. Ani vaya'mogimo Yesu'e ge'amo
ne'afiya vaya'e'fe'mo ge hu'nage'a e'a mai'nae.



Ani asole vaya'mo mai'naya'mofe'mo nofi alagafati
ani'mo ago ne'a hano hu'nageno'ae'mo Yesu
ita'amo'mo agaefe'mo huno'ae'mo, nofi alagafati
ani'apimo ago ne'a hano hu'nae, huno ha
pai'nigeno'ae'mo, Yesu ita'amo'mo ali'ya'mo ne'aliya
vaya'aife'mo huno'ae'mo, na agufa kava'mo hiyo, huno
lapa paisifi ge'amo akame huta hiyo, huno hapa
pai'niye.



Yesu'a ali'ya'mo ne'aliya vaya'aife'mo
huno'ae'mo, utapa ani'mo hefiliteta muki
ke'afi'mo lakitapa havai teyo, huno hapa
pai'nige'a u'a hefili e'a laki'a havai
te'nageno'ae'mo, ani ani kepati'mo
hefilitutapa ne'yate'mo yagai'niya
vekamo amiyo, huno
hapa pai'niye.



Anilafa'mo hefili'a u'a ami'nageno neno
afi ge'niye.



Agaemo nofi alagafati ani'mo alino hamaleno ate'niya
anike'mo ne'niye. Haiya'alegati'mo ani nofi alagafati
ani'mo alini'a e'nafi huno
o'age'niya'monanafa
ali'ya'mo ne'aliya
vaya'mogi ani ani'mo he
fi'apaeke'mo age'nae.



Neteno'ae'mo a'mo ali'niya vekae'mo ge hu'nigeno
e'nigeno ha paino'ae'mo, muki vaya'mogimo hogote'a
ne'ya'mo ne'naya yate'mo
e'a mai'naya vaya'mo
alagepa nofi alagafati
anike'mo laki'a
apami'nage'a asole
ani'mo
netage'apaeke'mo
henaga'age'mo
hosu'niya
nofi alagafati
ani'mo ne'
apamiye.



Ani kava'mo nehaya'monanafa kagae mo hemenimo
alagepa nofi alagafati ani'mo maleka mai'neka
alinikeka nelamine,
huno ha pai'niye.




Yesu'a hogote afina'mo ani no'agaya agufa aune
kava'mo Kena taonifi'mo hu'niye. Ani
taonifi'mo hale konali ya'amo
alino apave li'nige'apae'mo
ge'amo ne'afiya
vaya'mogimo agaefe'mo
apakesamo afi'a fatago
hu'nae.



Yesu'a Pita nopi'mo uno haino ageyana
Pita ayemo'amo'mo amuko kaita'mo
hau'nigeno havaeno mai'nigeno
age'niye.



Agaemo ageteno ayate'mo aya'mo male'nigeno amuko
kaita hau'niya kaita'amo ago hage'nigeno he tino
ne'ya'mo yagita huno apami'niye.




Yegemo uno lamino fale'nige'apae'mo mago vaya'mogi
Yesutegamo kaita hapau'niya vayanagi hosu apaune
vaya'mo apaipafi'mo
mai'naya vayanagi hu'a
apavaleli'a e'nae.
Muki ani taonifi'mo
mai'naya vaya'mo e'a
kipate'mo ali'a anupa
hu'a mai'nae.



Inagi Yesu'a muki alu kaita alu kaita'mo hapau'niya
vaya'mo alino hapageno apatege hosu apaune vaya'mo
vaya'ai apaipafati'mo alino hapa faino apatalege huno
mai'niye. Hosu apaune vaya'mogimo age'naya'mofe'mo
agaemo huno'ae'mo, ge osiyo, huno hapa pai'niye.



Agufale'mo ame ali'nageno himamu'amo u'nigeno alino
hapageno apate'niya'mofe'mo ame alisayafe'mo
hu'nae.



Yesu'a Goti gemo aeno hakalo huno hapa
nepaige'apae'mo lole'e lole'e vaya'mogi kanage kanaga
osuno ne'maiya vekamo hi'yopa alini'a Yesutegamo
e'nae.



Nopi'mo ago kili pae'naya'mofe'mo
Yesu'a mai'niya haopale'mo
avaleli'u'a ohai'nafa apakaemo
nokato'mule'mo alini'a u'a
hai'ne'a Yesu'a . . .



... mai'niya Yateti'mo
nokato'mu'mo ali'a akai
male'ne'a hi'yopa kayote'mo
nofi aete'a atalageno
uno lami'niye.



Yesu'a apakeyana agaefe'mo apakesamo afi'a fatago
hu'nageno apaketeno'ae'mo
kanage kanaga osuno
ne'maiya vekae'mo
huno'ae'mo,
Mafa'ne'nimogae,
huno, hosu kavakamo
ali'na atale'nove,
huno ha pai'niye.



Lapakaemo Vemo mafa'nemo'mo ma mopafi'mo
mai'nenoe'mo hosu kava'apimo alino
atalesiya himamu'amo ali'na
lapave liguve, huno huteno
kanage kanaga osuno
ne'maiya vekae'mo
huno'ae'mo, kaha
nepauve, huno, he
tika hi'yopa kayokamo
aliteka nokalegamo
uvo, huno ha pai'nigeno
apaulagale'mo
malage huno he tino
hi'yopa kayo'amo
aliteno u'niye.



Yesu'a sipifi'mo uno haino mai'nige'a
ge'amo ne'afiya vaya'mo akame
hu'a hai'a sipifi'mo
maite'a u'nae.




Ne'vageno'ae'mo malage huno ani kotute'mo lusi
kava huno yasimo ali'nigeno ani'mo'a
aino holakau holakau huno uno
haino sipifi'mo havaiteteno
aeno lapanegefe'mo
hu'niya'monanafa
Yesu'a auke'mo
kaleno mai'niye.



Aise'ato'amo lapakesamo afita fatago hu'naya
vayanagi na kava higetapae'mo koli nehae, huno hapa
paiteno'ae'mo he tino yasi'e ani'efe'mo afa'a mai'ao,
huno ke hanau'nige'ana yasi'e ani'e'mo alagi afa'a
hane'na'ae. Muki vaya'amogimo
ani kava'mo agete'apae'mo
hapau aite'a, Vae,
hu'a, yasimo'e
ani'mo'e'mo ge'amo
afite'ana afa'a

mai'na'agi ani vekamo na
agufa vekamo mai'niye,
hu'a hu'nae.



Goti'a
ma mopafi
vaya'aife'mo lusi
kava huno hau ayamopafi'mo
au'niya'mofe'mo ani aiya magoke
mafa'ne'amo avaleno apami'niye. Ina
lagimo mafa'ne'ae'mo apakesamo
afi'a fatago nehisafige'a alagi
ofali'a alagepa hu'a maige
maige hu'a maisayafe'mo
avaleno
apami'niye.



Lomu 3:23

Na kava hu'nageno'aene. Muki vaya'mogimo hosu kava'mo hute'a Goti ha le konali ya'amo u'a hai'a me tale'naya'mofe'mo no'aliye.

Lomu 6:23

Na kava'mo nehageno'aene. Hosu kava'mo ali'ya'amo ne'aliya vaya'ai miya'apimo falisaya kava'mo hane'niya'monanafa Goti'a fikumo hapa maeno ne'apamiya kava'mo alagepa hu'a maige maige hu'a maisaya kava'mo hane'niye. Agaemo Ala kava netimo Yesu Kalaisipi'mo ne'maiya vaya'mo ne'apamiye.

Himulu 9:27

Goti'a huno'ae'mo, muki vaya'mo magoke afina'mo falitesage'na agoti hu'na apategauve, huno hu male'niye.



Efasasi 2:8,9 Goti'a fikumo lapa maeno lapamiteno'ae'mo lapakesamo afita fatago hu'naya kavateti'mo lapakufamo alino katino lapate'niye. Lapakaitapimo lapakesamo afita fatago osu'nafa Goti'a fikumo lapa maeno lapami'nigetapa lapakesamo afita fatago hu'nae. Goti'a vaya'mogimo apaki'apile'mo ali'a asaga osisayafe'mo alagepa kava'apileti'mo apakufamo alino katino no'apate.

Lomu 10:9,10 Kagaemo hukae'mo, Goti'a Yesu'mo fali'niyateti'mo ago alino he tino ate'niye, huka kaipafi'mo kagesamo afika fatago hutekae'mo, Yesu'a Ala kava netimo mai'niye, huka kavayafati'mo aeka hakalo nehisanana Goti'a kagufamo alino katino kategaiye, huta lapa nepaune. Ani kavatefe'mo apaipafi'mo apakesamo afi'a fatago nehageno'ae'mo Goti'a huno'ae'mo, naulagale'mo fatago vaya'mo mai'nae, huno nehiye. Ani kava'mo huno Goti'a apagufamo alino katino apatesiyafe'mo apavayafati'mo ae'a hakalo hugae.



Yoni 3:16,17

Goti'a ma mopafi vaya'aife'mo lusi kava huno hau
ayamopafi'mo hau'niya'mofe'mo ani aiya magoke
mafa'ne'amo avaleno apami'niye. Ina lagimo
mafa'ne'ae'mo apakesamo afi'a fatago nehisafige'a alagi
ofali'a alagepa hu'a maige maige hu'a maisayafe'mo
avaleno apami'niye. Goti'a ma mopafi vaya'mo agoti huno
apateteno'ae'mo, hosu kava'mo hu'nae, huno hisiyafe'mo
mafa'ne'amo alino ate'nigeno emi'no'me'nifa apakufamo
alino katino apateteno hapau vaisiyafe'mo alino
ate'nigeno emine'niye.



1 Yoni 5:11-13

Goti'a ageteno ha maeno faigoko gemo aeno hakalo huno'ae'mo, nagaemo maige maige hutapa ne'maiya ya'mo lapami'nove, huno laha pai'niye. Ani maige maige hu'a ne'maiya ya'mo mafa'ne'afi'mo mai'niye.

Goti Mafa'ne'amo avale'a apaipafi'mo ate'naya vaya'mo maige maige hu'a ne'maiya ya'mo ago ali'nae. Goti Mafa'ne'amo avale'a apaipafi'mo o'ate'nisaya vaya'mo maige maige hu'a ne'maiya ya'mo o'ali'nae.

Nagaemo mani gemo Goti Mafa'ne'amo agi'alefe'mo lapakesamo afita fatago nehaya vaya'mogita hutapae'mo, maige maige huta maisuna ya'mo ali'none, hutapa afitetapa agesayafe'mo mani gemo avo'mo kae'nove. Lapakaemo afitetapa lapakesamo afita fatago hume hume visayafe'mo avo'mo kae'nove.



Matiyu 8-9; Maki 1-2, 4; Luki 4, 8; Yoni 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Keyagana Bible (kyg) © 2013, Wycliffe Bible
Translators, Inc. All rights reserved.

<https://www.bible.com/bible/1105/GEN.1.KYG2013>

©2025 Bible for Children, Inc.

www.M1914.org

www.bibleforchildren.org

